



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-166-4/23**
Datum: **17.07.2023. god**

«Agencija za vodno područje rijeke Save» Sarajevo rješavajući po zahtjevu pravnog lica «GAUDIUM» d.o.o. Doboj Istok za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta samouslužne autopraonice u Poslovnom centru 96-2, Vitez (plato Franšiznog centra), na osnovu člana 110. stav (3) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica, «GAUDIUM» d.o.o. Doboj Istok za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta samouslužne autopraonice izgrađenog uz magistralnu cestu M-5 (Lašva-Travnik) na platou Franšiznog centra – Poslovni centar 96-2, Vitez na zemljištu označenom kao k.č. broj: 1782/19 K.O. Vitez, općina Vitez s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata od strane ove Agencije.
2. Ukoliko davalac usluga, JKP «VITKOM» d.o.o. Vitez, a u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), uskrati pružanje usluga za ispuštanje tehnoloških otpadnih voda sa predmetnog lokaliteta u javni kanalizacioni sistem, vlasnik ili korisnik predmetnog objekta je u obavezi pribaviti odgovarajuće vodne akte, a sve u skladu sa članom 139. stav (1) tačka 3. Zakona o vodama.
3. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete.
5. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «GAUDIUM» d.o.o. Doboj Istok, podnijelo je Agenciji dana 20.04.2023. godine zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta objekta samouslužne autopraonice izgrađenog uz magistralnu cestu M-5 (Lašva-Travnik) na platou Franšiznog centra – Poslovni centar 96-2, Vitez na zemljištu označenom kao k.č. broj: 1782/19 K.O. Vitez, općina Vitez.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 032-0-Reg-20-000304 izdatog dana 02.04.2020. godine od strane Općinskog suda u Tuzli,
- Ovjerena kopija Uvjerjenja o poreznoj registraciji izdatog dana 18.10.2011. godine od strane Porezne uprave – Kantonalni porezni ured Tuzla,
- Ovjerena kopija Rješenja o odobrenju za gradnju broj: UP I 06-23-4-2274/14 izdato dana 21.11.2014. godine od strane Službe za imovinsko pravne poslove, katastar i urbanizam Općina Vitez,

- Ovjerena kopija Rješenja o odobrenju za upotrebu broj: UP I 06-23-5-2478/14 izdato dana 24.12.2014. godine od strane Službe za imovinsko pravne poslove, katastar i urbanizam Općina Vitez,
- Elaborat zaštite okoliša sa tretmanom otpadnih voda za samouslužnu autopraonicu u Vitezu, lokacija PC96-Vitez urađen od strane «E.M.G. Viting» d.o.o. Vitez (broj: ZO-20-11/14, novembar 2014. godine) - na uvid,
- Glavni projekat «Samouslužna autopraonica u Vitezu» urađen od strane «Zavod za izgradnju» a.d. Banja Luka (broj: 4-4-5750/14) – na uvid,
- Kopija Ugovora o zakupu poslovnog prostora (otvoreni prostor na platou «Franšiznog centra BiH» broj: 6/2022 zaljučen dana 01.01.2022. godine između «ECONOMIC» d.o.o. Vitez i «GAUDIUM» d.o.o. Doboj Istok,
- Kopija Rješenja o vodnoj dozvoli broj: 05-25-633/18 izdato dana 13.12.2018. godine od strane Ministarstva poljoprivrede, vodoprivrede i šumarstva Srednjobosanskog kantona za ispuštanje prečišćenih voda iz postrojenja za tretman otpadnih voda zasebne kanalizacione mreže izgrađene za Poslovni centar 96-2, Vitez,
- Kopija Rješenja broj: UP1-14-21-2-02157/2023-1405-2-P izdatog dana 07.04.2023. godine od strane Vodnog inspektora Federalne uprave za inspeksijske poslove,
- Kopija Ugovora broj: 01-1-23-9-2979/13 o prenosu na upravljanje i korištenje uređaja za prečišćavanje otpadne vode na lokalitetu PC-96-2 Vitez sa pripadajućim objektima kanalizacionog sistema zaključen dana 22.11.2013. godine između Općine Vitez i JKP «VITKOM» d.o.o. Vitez,
- Kopija Saglasnosti o mogućnosti priključka na kanalizacioni sustav broj: 01-2820/23 izdate dana 15.06.2023. godine od strane JKP «VITKOM» d.o.o. Vitez,
- Kopija Rješenja o odobrenju priključka na kanalizacioni sustav broj: 01-2821/23 izdatog dana 15.06.2023. godine od strane JKP «VITKOM» d.o.o. Vitez,
- Kopija Potvrde o priključku na kanalizacioni sustav broj: 01-3249/23 izdate dana 14.07.2023. godine od strane JKP «VITKOM» d.o.o. Vitez,
- Kopija Ugovora o čišćenju separatora broj: 1099/23-DS zaključen dana 26.06.2023. godine između «GAUDIUM» d.o.o. Doboj Istok i «DELTA PETROL» d.o.o. Kakanj,
- Kopija radnog zapisnika o radovima na pranju i čišćenju separatora izvršenog dana 07.07.2023. godine od strane «DELTA PETROL» d.o.o. Kakanj,
- Kopija računa broj: 17927-232-251-0623 izdatog dana 30.06.2023. godine od strane JKP «VITKOM» d.o.o. Vitez (kanalizacija, odvoz otpada...),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta u Poslovnom centru 96-2 u Vitezu i tom prilikom je sačinjen Zapisnik o uviđaju broj: UP-1/21-3-40-166-3/23 od 01.06.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat samouslužne autopraonice «GAUDIUM» izgrađen je uz magistralnu cestu M-5 (Lašva-Travnik) na platou Franšiznog centra – Poslovni centar 96-2, Vitez na zemljištu označenom kao k.č. broj: 1782/19 K.O. Vitez, općina Vitez (zemljište iznajmljeno od strane «ECONOMIC» d.o.o. Vitez prema Ugovoru o zakupu). Praonicu čini 5 natkrivenih boksova (4 za pranje i jedan za usisavanje vozila).
- Tehnološke otpadne vode nastale pranjem vozila se prikupljaju sistemom betonskih kanala sa slivnom rešetkom i kanalizacione mreže i odvođe na tretman u separator masti i ulja. Preliv iz separatora je u kanalizacioni sistem Poslovne zone 96-2 Vitez koji je dat na upravljanje i korištenje JKP «VITKOM» d.o.o. Vitez shodno Ugovoru o prenosu na upravljanje i korištenje uređaja za prečišćavanje otpadne vode na lokalitetu PC-96-2 Vitez sa pripadajućim objektima kanalizacionog sistema zaključenom dana 22.11.2013. godine sa Općinom Vitez (ugovor broj: 01-1-23-9-2979/13).

- Za priključak predmetnog objekta samouslužne autopraonice na kanalizacioni sistem izdata je od strane nadležnog operatora JKP «VITKOM» d.o.o. Vitez Saglasnost broj: 01-2820/23 od 15.06.2023. godine, Rješenje o odobrenju broj: 01-2821/23 od 15.06.2023. godine a potom i Potvrda o izvršenom priključku broj: 01-3249/23 od 14.07.2023. godine.
- Čišćenje separatora se vrši redovno od strane «DELTA PETROL» d.o.o. Kakanj (priložen radni zapisnik o čišćenju separatora od 07.07.2023. godine).
- U konkretnom slučaju se radi o ispuštanju otpadnih voda u javni kanalizacioni sistem kojim upravlja JKP «VITKOM» d.o.o. Vitez, te shodno odredbama člana 110. stav 3. Zakona o vodama i člana 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/1, 41/20 i 63/22) nije potrebno izdavanje vodne dozvole za predmetnu aktivnost. Uslove za ispuštanje otpadnih voda iz predmetnog objekta propisat će operator kanalizacionog sistema koji posjeduje Rješenje o vodnoj dozvoli broj: UP-I/25-3-40-627-6/19 za ispuštanje komunalnih otpadnih voda u rijeku Lašvu doneseno dana 07.02.2020. godine od strane «Agencije za vodno područje rijeke Save» Sarajevo kao i Rješenje o vodnoj dozvoli broj: 05-25-633/18 izdato dana 13.12.2018. godine od strane Ministarstva poljoprivrede, vodoprivrede i šumarstva Srednjobosanskog kantona za ispuštanje prečišćenih voda iz postrojenja za tretman otpadnih voda zasebne kanalizacione mreže izgrađene za Poslovni centar 96-2, Vitez.
- U navedenim Rješenjima su utvrđeni uslovi pod kojima su ista izdata a koje je operator dužan ispunjavati u toku važenja istih.

Iz naprijed navedenih razloga, a u skladu s članom 110. stav (3) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-166-2/23 od 12.05.2023. godine.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Alisehović, dipl.ing.građ.



Dostaviti:

- «GAUDIUM» d.o.o. Doboj Istok
Brijesnica Velika bb, 74206 Doboj Istok
- AVP Sava, ISV-vodna knjiga
- Sektor 50
- ☑ Sektor 40 – arhiva
- Oglasna ploča – AVP Sava